




বাংলাদেশ কনস্যুলেট জেনারেল
টরন্টো, কানাডা



প্রেস বিজ্ঞপ্তি

২৬ মার্চ ২০২৩,

বাংলাদেশ কনস্যুলেট জেনারেল, টরন্টোতে যথাযোগ্য মর্যাদা ও উৎসাহ উদ্দীপনার মধ্য দিয়ে মহান স্বাধীনতা ও জাতীয় দিবস উদযাপন করা হয়। দিবসের শুরুতেই বাংলাদেশ হাউসে জাতীয় পতাকা উত্তোলন করে সর্বকালের সর্বশ্রেষ্ঠ বাঙালি, জাতির পিতা বঙ্গবন্ধু শেখ মুজিবুর রহমান-এর প্রতিকৃতিতে পুস্পস্তবক অর্পণ করা হয়। এরপর মহান এ দিবস উপলক্ষে মহামান্য রাষ্ট্রপতি, মাননীয় প্রধানমন্ত্রী, মাননীয় পররাষ্ট্র মন্ত্রী এবং মাননীয় পররাষ্ট্র প্রতিমন্ত্রীর প্রদত্ত বানী পাঠ করা হয়। কনসাল জেনারেল তাঁর সংক্ষিপ্ত বক্তব্যে মাননীয় প্রধানমন্ত্রীর নেতৃত্বে বাংলাদেশের বিপুল উন্নয়ন কর্মকাণ্ডে নিজ নিজ অবস্থান থেকে অংশগ্রহণ করতে সকলের প্রতি আহবান জানান।

মহান স্বাধীনতা ও জাতীয় দিবস উদযাপনের অংশ হিসেবে গত ২১ মার্চ ২০২৩ তারিখে Mountbatten Salon, Chelsea Hotel, Toronto তে বিদেশি কূটনীতিক, অন্টারিও সরকারের উচ্চপদস্থ কর্মকর্তা, টরন্টোতে বসবাসরত প্রবাসী বাংলাদেশি ও নেতৃবন্দ, সাংবাদিক এবং ছাত্রছাত্রীদের অংশগ্রহনে এক বর্ণাল্য রিসেপসনের আয়োজন করা হয়। অনুষ্ঠানে প্রধান অতিথি হিসেবে উপস্থিত ছিলেন Hon'ble Andrea Khanjin MPP, Parliamentary Assistant to the Minister of Intergovernmental Affairs এবং বিশেষ অতিথি হিসেবে ছিলেন Ms. Kara Rawson, Chief of Protocol and Director, International Relations, Ministry of Intergovernmental Affairs। অনুষ্ঠান সূচিতে ছিল বাংলাদেশ ও কানাডার জাতীয় সঙ্গীত পরিবেশন, বক্তব্য উপস্থাপন, কেক কাটা ও ভিডিও তথ্য চিত্র উপস্থাপন।

উক্ত অভ্যর্থনা অনুষ্ঠানে কনসাল জেনারেল জনাব মোঃ লুৎফর রহমান তাঁর বক্তব্যের শুরুতে বাংলাদেশের স্বপ্তি, স্বাধীনতার মহানায়ক, জাতির পিতা বঙ্গবন্ধু শেখ মুজিবুর রহমানের স্মৃতির প্রতি গভীর শ্রদ্ধা জানিয়ে উপস্থিত সকলকে মহান স্বাধীনতা দিবসের শুভেচ্ছা জানান। তিনি বলেন, বঙ্গবন্ধুর নেতৃত্বে দীর্ঘ ন'মাস সশস্ত্র মুক্তিযুদ্ধের মাধ্যমে আমরা পেয়েছি স্বাধীন সার্বভৌম বাংলাদেশ। যে কোন ত্যাগের বিনিময়ে বাঙালিদের অধিকার ও আত্মমর্যাদা রক্ষার প্রশ়ে অটল ছিলেন তিনি। বঙ্গবন্ধু সবসময় একটি সুখী উন্নত সোনার বাংলা গড়ার স্পন্দন দেখতেন। বাংলাদেশ ও কানাডার বন্ধুত্বপূর্ণ সম্পর্কের ৫১ বছর পূর্তিতে আমাদের মুক্তিযুদ্ধ ও আর্থসামাজিক উন্নয়নে অব্যাহত সহযোগিতার জন্য কানাডা সরকারের প্রতি ধন্যবাদ জানান। তিনি আরও বলেন মাননীয় প্রধানমন্ত্রী শেখ হাসিনার নেতৃত্বে সকলকে একসাথে কাজ করার আহবান জানান। প্রধান অতিথি অনুষ্ঠানে উপস্থিত হতে পেরে কনসাল জেনারেল কে ধন্যবাদ জানিয়ে বাংলাদেশের উন্নয়নের প্রশংসা করেন এবং বাংলাদেশ ও কানাডার মধ্যে বিভিন্ন বিষয়ে অব্যাহত সহযোগিতা প্রদানের কথা বলেন।





